

至甯無禪道參願公當擲筆早早悟清談

鄂縣宰公高懷遠見訪求

世網包名利塵籠罩是非採山尋藥去慕道逐雲歸立石閒垂釣望人早悟機若能懷遠慮定是達幽微

贈京兆楊學正

擇術立身法無過志讀書讀書便及第爭耐忒名虛不若搜玄趣修完大藥爐功成超達去跨鶴赴仙都

和岐陽鎮張都監韻

嗟身常作觀地水火風成假合難堅固眞修易鍊烹形神得俱妙龍虎自然聲響曉聒天地心中性月明

道藏輯要

洞玄金玉集

美

胃集六

贈姚玄玉

心灰忘富貴意淨樂清貧堪作逍遙客當爲自在人氣中兼養氣神內更願神不著纖毫假纔方得至眞

和岐陽趙公綽殿試

大道勿難求宜乎一志修速當離火院休要逐波流不作蠅蝸客堪爲鴻鵠傳自然通妙用掌握內雲遊

贈統縣段先生

物外絕貪求清中得進修木金三間隔天地兩交流菩薩爲親眷神仙作侶傳青蓮池上客黃鶴洞中遊

吟二十首